

4 Vokabulario

Sofia ta konta.



Nos bario

Mi gusta nos bario.
E ta limpi, bèrdè i dushi.
Bo sa dikon?
Pasobra vários hende ta duna un man.

Mi mami ta traha na ofisina.
P'esei tin un mucha muhé ta yud'è
hasi trabou di kas.
E yama Marisa.
Tur mainta e ta bin ku konvoi.
E konvoi ta para na parada di bùs
banda di nos kas.
Marisa ta yuda mami bon.
Asina nos kas tambe ta keda limpi i
bunita manera tur kas den nos bario.

Tur siman mi ta mira e trùk di sushi
kore den nos bario.
E kuedó di sushi
ta bai ku tur sushi di kas.
Niun kaminda riba kaya bo no
ta mira kùp, saku di plèstik òf bleki.

Un biaha pa dia e partidó di karta ta
trese pòst na vários kas den bario.
I atardi, ora mi tata bini for di trabou,
e ta bai sinta den veranda.

Nos kachónan ta kompañ'è.
Nan ta warda impasiente riba
e partidó di korant.

E hende grandinan ta traha den kurá
djasabra.
Mi tata tambe.
Un biaha pa luna Teo, un hardinero,
ta bin yud'è.
Nan ta chapi, harka, snui i tin biaha
planta tambe.

Bon, bo ta komprendé awor
dikon nos bario ta asina dushi
i bunita?
Ta p'esei mes mi gust'è.'



Tarea 1

Kua palabra ta falta den e frase?
Lesa e frase bou di kada pintura.
Buska e palabra ku falta den e rei
aki bou.
Skibi e palabra den bo buki di
tarea.



E shofùr di e ... ta para na e ...



E kuedó di sushi ta pone e ... patras riba e rant di e ...



E partidó di karta ta parti tur karta ku su ...



E mucha muhé ku ta limpia kas tin un basora, un ... i un ...



E partidó di korant tin un ...



E hardinero ta snui e matanan ku su ...

Tarea 2

Bo sa e kontesta?

- Unda e trùk di sushi ta bai ku tur saku di sushi?
- Kiko nan ta hasi na lèntfel ku e sushi?

Tarea 3

Un partidó di karta ta parti karta. Kiko mas e sa parti?

- Skibi e palabranan den bo buki di tarea. Kiko un hardinero mester pa hasi su trabou bon?
- Skibi e palabranan den bo buki di tarea.

• rabòl

• skèr di kòrta mata

• tas di korant

• trùk di sushi

5d Traha bunita frase

- Ku e palabranan den kada rei bo tin ku traha un bunita frase.
- Kuminsá ku e parti ku lèter kapital.

1. ta yuda – Marisa – mama.
2. e muraya – a pleister – E mèsla.
3. den saku di sushi – Ruben – a yena – blachi.
4. ta pasa – den nos kaya – Trùk di sushi.
5. un mucha di barío – ta – E partidó di korant.
6. ta para – E shofùr di bús – na parada di bús.
7. a planta – Ayera – un kayena – tata.

